


Taiala Saogalemu TikTok Mo Tagata o lo o Vaaia Faalelulafono: Luitau Tau Initani



E tusa ma tulaga o avea ai ma tagata o lo o vaaia faalekulafono, matou te iloa o faapena na tou fia malamalama i tulaga saogalemu o tekonomosi televavave ina ia iloa e le fanau talavou pulea lelei le faaaoga o le initani, i lenei vaitaimi ma le lumana.

O le mafuaaga lena ua faia ai e le TikTok, se faiga faapaaga ma tagata o lo o vaaia faalekulafono (e aofia ai matua, faiaoga ma tagata e tausia tamaiti) e lagolagoina le faaaogaina e lau fanau talavou o tekonomosi televavave.

Ua fuaitino le Taiala Saogalemu mo Tagata o lo o Vaaia Faalekulafono ina ia saunia faamatalaga lautele i atugaluga i le saogalemu o faiga tau initani. O le toe iloiloina o le taiala lenei faatasi ma lau fanau talavou e faamalamalama atili i ai tulaga e mafai ai ona faaaoga tekonomosi televavave ma faamausaliiua ai le mafaufau i lo latou lava saogalemu i le faaaogaina o le initani.



Mea e Moomia Tonus e Tupulaga Talavou Mai Tagata o lo o Vaaia Faalekulafonoina i Latou

Matou te malamalama e avea suiga faifai pei i faiga ma auala o fesoottai ai ma mea e lofituina ai tagata. O le mafuaaga lena o le fia fesili ai i tupulaga talavou po o a ituaiga lagolagosua latou te moomia ma faatauaina. O itu nei na latou fai mai ai:

“Fesoasoani mai ia ou iloa tulafono”

E taua i tupulaga talavou lagolagosua e tau amata ai, malamalama i tulaga e lē faalauaiteleina ma faatulagana o vaega e saogalemu ai, ma iloa le tuaoi o mea! O metotia tau saogalemu ua saunia e ta'ua o le TikTok Family Pairing e mafai ai ona iloa le tuaoi o mea, aemaise i tupulaga talavou faatoa amata ona faaaoga fesootaiga tau initani.

“Sema se taimi e talanoa ai”

E lagona e tupulaga talavou le lagolagoina o i latou pe a iloa o lo o iai se tasi e talanoa i ai ma maua ai le fesoasoani pe a iai ni mea ua sese ai i le faaaogaina o fesootaiga tau initani — e lē afaina pe tele pe itiiti se faafitauli.

“Aua le popole pe a faaletonu se mea”

Ua alu atu lau tama ia te oe mo sau fesoasoani—manai tele! Ua faailoa mai e tupulaga talavou o le faafetaui o i latou i le ita po o le manatu māmā o se tagata matua i mea o faopoleina ai i latou o tulaga nei e mumusu ai e toe fai atu i se mea o moomia ai se fesoasoani. Faalogo e aunoa ma le faamasinosino, fesili i ai, ma taulai i se fofo e foia ai.

“Tuu mai lou faatuatuaga ia te a'u”

E iloa e tupulaga talavou e faatauanauina le faatuatuaina o le tagata ma e iai lo latou manatu o le tiute a tagata matutua le faamalumalu, ae o le faasolo ai ina avea ma tagata matua e talafeagai le tuu atu o le pule tutoatasi ia i latou lava. A o amata ona latou iloa le faaaogaina o auala tau fesootaiga e aunoa ma le lamatia ai o i latou, atonu o se avanoa lea e mafai ona e tuu avanoa i ai i le faaaogaina o tekonomosi.

“Amanaia tulaga e patino ia te a'u”

O uiga masani faalekulafata le popole pe afai ua ese uiga ua vaaia i lau tama, ma e faafaigata ai ona iloa le tuaoi o tulaga e patino i tupulaga talavou ma le mautinoa o lo latou saogalemu. Ua fai mai tupulaga talavou e fia malamalama i mafuaaga ua e manatu ai i nisi o itu ma saili auala e atiae ai le faatuatuua.



10 Fautuaga Autu Tomai Tau Tekonolosi Televavave Mo Tupulaga Talavou

□ Fautuaga 1: Siaki ua Iloa Lelei e Lau Fanau Talavou Faaaoga Tekonolosi

Faatulaga lelei ni tulafono i le taimi e mafai ai e lau tama ona faaaoga tekonolosi televavave, e aofia ai le faamautinoia na o apps e fetaui ma le matua o ona tausaga o lo o ia faaaogaina.

□ Fautuaga 2: Maliega a le Aiga i le Tuaoi o Tekonolosi

la manino ma fetaui le matua o tausaga ua faatulaga i ai ma malilie faatasi i ituaiga mataupu (e pei o apps, upegatafailagi, taaloga) e mafai ona matamata, faaaoga ma taaalo ai lau fanau talavou.

□ Fautuaga 3: Faatapulaa le Umi e Faaaoga ai

E tutusa lava le taua o le faaaoga tatau o tekonolosi televavave ma le taua o le tausami i meaai e maloloina lelei ai. Fesoasoani i lau fanau talavou ia iloa pulea ia te ia lava ma tomai e faaaoga lelei ai le taimi pe a faaaoga fesootaiga televavave.

□ Fautuaga 4: Faatalanoa Uiga Taufaamata'u i luga o le Initanieti

Faafaigofie ona maua avanoa e talatalanoa ai ma lau fanau talavou i mea ua ia iloa mai le initanieti, o mea o talanoa ai ma a latou uo, po o tulaga ua aliae ai uiga taufaamata'u i luga o le initanieti.

□ Fautuaga 5: Talanoa i Tulaga Patino

Fesoasoani i lau fanau talavou ia malamalama i le taua o faamatalaga e patino ia te ia ma mafuaaga e taua ai le faitau lelei i taiala faavae o tulaga e patino a o lei lesitala i soo se apps po o se upegatafailagi.

□ Fautuaga 6: Talanoa i Lamatiaga mai Tagata e lē tatau ona fesootai i ai ma Mataupu

Faamanatu i lau fanau talavou e iai tagata e lē moni le ituaiga tagata na fai atu ai i luga o le initanieti. Fautua lelei i ai i auala e mafai ona taofi ai tagata e lē tatau ona fesootai i ai ma mataupu e lamatia ai i faatulagana ua faia mo le app o faaaoga.

□ Fautuaga 7: Talanoa i talanoaga tau feusuiga

Fai ma au galuega le siakiina po o faasoia e lau fanau talavou ni mea e patino ia i latou pe na faasufi e se tasi e faasoia mea e faaali manino ai uiga tau feusuiga o i latou lava. Faamatala i ai e matuai faigata tele ona pulea le faasoaina o se mea i le taimi lava ua faasoia atu ai i luga o le initanieti, ma e sili atu ona ogaoga ma faavavau ai pea taunuuga e aliae mai ai.

□ Fautuaga 8: Talanoa i le Faasoia ma le Mautinoia ma le Faasoia o Faamatalaga Sese


Talanoa i lau fanau talavou i 'tala sese' ma uunaia e mafaufau loloto i mea o latou vaaia i luga o le initanieti, e aofia ai tagata ma oloa faatosina (e pei o le manatu muamua po o le a le auga faavae po o se uiga faalilolilo o faamatalaga) ma faamanatu i ai e siaki le moni o alagaoa na maua atu ai.

□ Fautuaga 9: Fesootai ma Vaega Tau Lagolagosua

Ia tutusa taiala faavae ua saunia mo le puleaina e matua o tekonolosi televavave ma faamaopoopo tagata uma o tou nonofo faatasi e atiae se sootaga faatuatuaina ma puipua ai.

□ Fautuaga 10: Fai Faatasi Videos

Fai se tou ata ma lau fanau talavou e iloa ai mea e fiafia i ai, ma faatalanoa ituaiga mataupu e talafeagai pe lē talafeagai.



Luitau Tau Initanieti Ma Faiga Tau Faavalea Ma Auala e Faatalanoa ai Ma Fanau Talavou

E malosi se lagona i fanau talavou e fia auai i se mea e sili atu ae leai se manatu mamafa i lamatiaga po o aafiaga e ono aafia ai. O tulaga nei e moomia ona e iloa e uiga i luitau tau initanieti ma faiga tau faavalea ma auala e tali faatasi atu ai ma lau fanau talavou:

- Ua masani le tulai mai o luitau ona o mea o pue e tagata lava ia o faaali ai le faafaigata na faia o se mea, ae o lo o fai i se agaga e faaosooso ai isi e fai.
- O mea e lauiloa ma e fafia tele i ai le toatele o tagata auā e maua ai avanoa mananaia, e pei o meafai ma uo, tofotofoina ai le malosi faaletino po o le fia faataitai ona fatu o se mea.
- Peitai, o nisi o gaioiga nei e tupu ai se lavea ogaoga.
- O nisi o luitau e faaseseina tagata ia talitonu i se mea e lē moni - ma e faatupu ai le fefe ma le popole.
- E mafai e tupulagatalavou ona tata'i ese mai luitau tau initanieti ma faiga tau faavalea pe a saili isi auala e ausia ai mea e fafia i ai po o moomia.

4 Fautuaga i Auala e Talanoa ai i Luitau Tau Initanieti ma Faiga Tau Faavalea ma Tupulaga Talavou

Fautuaga 1: Fesoasoani i lau fanau talavou ia maua le saogalemu pe a iloa lamatiaga e ono aafia ai ma mafaufau i taunuuga o aafiaga (e aofia ai tulaga e ono faaoo ai le tiga ia i latou lava, po o isi).

Fautuaga 2: O laasaga e fa ua saunia e le TikTok “Tuu, Mafaufau, Filifili, Faatino” o se auala faigofie e faatupu manatu ai i tupulaga talavou le uiga o (le) lamatiaga.

STOP:



Se'i manatu teisi ifo lava.

THINK:



Pe saogalemu? Pe afaina ai? Pe moni ea? Afai e te le o mautinoa, fesili i se isi tagata matua po o uo, po o le saili o nisi faamatalaga mai punaoa faamuina i luga o le initanieti.

DECIDE:



Afai e lamatia pe afaina ai, po o le lē mautinoa foi, aua le faia. E leai se aogā o le faia o se mea e te lamatia ai pe lamatia ai isi.

ACT:



Lipotia luitau e afaina ai po o faiga tau faavalea i app o maua i le tekonomosi o faaaoga. Aua e te faasoaina atu tulaga faapenei.

Fautuaga 3: A iai ni mea o e atugalu i ai e te manatu e lē saogalemu, fai sa'o i lau fanau talavou ma ia manino lelei mafuaaga ua e manatu ai i lea itu.

Fautuaga 4: E iai nisi o lamatiaga e iloagofie, ae o isi e faigata tele ma e lē faigofie ona iloa. Afai e te le o mautinoa, saili i luga o le initanieti faamatalaga mai alagaoa faatuatuaina ma faalatalata atu lau fanau talavou tou te talatalanoa i mataupu nei.



O isi Punaoa Aogā:

TikTok Safety Centre Guardian's Guide:

<https://www.tiktok.com/safety/en-nz/guardians-guide>

Netsafe Online Parent Toolkit:

netsafe.org.nz/parenttoolkit

